

**BETWEEN:** AUGUSTINE MISSEVE

**Claimant**

**AND:** JEAN MARIE LAPENMAL

**Defendant**

*Date of Hearing:* 23 March 2021  
*Date of Judgment:* 26 March 2021  
*Before Justices:* Kalangis MELE (Chairperson), Alina MALAPA, Edwin EDWIN  
*Clerk:* Collyne Tete Maki  
*In Attendance:* Claimant - Present  
Defendant - Present

---

**JUDGMENT**

---

**1. INTRODUCTION**

Kot emi welkam ol parties mo ol famile memba we oli present blong listen long kes blong kes blong bladlaen blong Augustine Misseve Jeaman blong kes em i talem maot olgeta tri (3) jastis we oli sit daon long kes mo I no gat any objection we wan long olgeta parties I mekem long olgeta. Kot em i letem ol parties oli save se decision long em bae em i follem nomo ol toktok blong olgeta we bae I kam maot long kot.



### **TOKTOK BLONG SECON WITNESS BLONG SAPOTEM KLEIMEN**

Secon witness we em i Mr Eric Lapenmal em i talem long kot se pupu blong em Marsling I gat 7 papa blong em nomo we em I oli pikinnini blong Marsling. Augsutine em I no wan pikinnini blong Marsling from sapos emi wan long olgeta then bae em I gem wan graon blong em long Augustine blong I wok long em. Em I talem tu se Augustine I ko long Ameltra nasara blong I safe nomo.

### **RESPONSE BLONG WITNESS LONG TAEM BLONG CROSS EXAMINATION**

**Taem we spokesman blong kleimen i questionem em em i ansa mo talem se em i neva harem papa blong em i talem se Augustine em i pikinnini blong Marsling mo oli neva rao wetem em. Mo tu Marslingi no sherem wan graon long Augustine blong wok long em blong soem se em i pikinnini blong Marsling. Em i talem tu se Tuwalun mo Louni tufala i tu separate counsel we Augustine em i kam maot long Lounie mo ko blong titi nomo from we mama blong em i ded.**

**Taem we defendan i questionem em em i ansa mo talem se em i decision blong apu Marsling blong tekem Augustine ko fidim em long Ameltra nasara. Mo i talem tu se em I neva harem papa blong em I talem long em se Augustine papa blong em Marsling.**

**Taem we kot i questionem em em i ansa mo talem se em i kam titi long tufala woman ia Marijeanne mo Sesilmarie kasem em I bigwan ale I ko bak long Louwe.**

### **TOKTOK BLONG NAMBA TRI WITNESS BLONG SAPOTEM KLEIMEN**

Namba tri witness emi Mr Loren Urinmal em I talem long kot se Urinmal sista blong em Lelec Rennie em I maret I ko long Louwe long Pierre mare mo bonem Augustine Misseve. Urinmal ia em I bonem Obed mo Loren. Obed em I bonem apu blong mi Joella mo Joella I bonem papa blong mi. Obed mo Loren tufala I tekem tufala stret sista blong Marsling. Obed gat tri pikinnini mo I lukaot nara tu we emi Augustine Misseve mo wan nara wan. Obed waef blong em em I Maricesil mo Loren waef blong em em I marie Pascal. Kleimen em I Laef wetem olgeta kasem tedei.

### **RESPONSE BLONG WITNESS LONG TAEM BLONG CROSS EXAMINATION**

**Taem we spokesman blong kleimen i no gat question blong askem long em.**

**Taem we defendan i questionem em em i ansa mo talem se em i save se mama blong Augustine em i ded mo oli kam tekem em nomo blong lukaotem em.**

**Taem we kot i questionem em em i ansa mo talem se papa blong em nomo i storian long em long Augustine. Mo i talem tu se risen why tufala woman ia i gem titi long Augustine from bifo i no gat gudfala helt fasiliti olsem ol medicine tu and long taem ia tufala woman ia tu gat bebe mekem tufala i lukaot Augustine. Mo taem em i bigwan em i ko bak long nasara blong em.**

Kleimen emi cancellem trifala nara witness blongem from oli gat semak stori nomo wetem ol previous witness.

### **TOKTOK BLONG DEFENDAN**



Defendan emi respon mo talem long kot se yes em I talem toktok ia blong witness nomo long wan kes long wan vilij kot. Em I talem tu se risen why em I no mekem wanem we oda blong vilij kot I talem from we em I no resivim wan decision long olgeta blong gem taem long em blong apil. Emi further talem se Augustine em I pikinnini blong olfala Cyrlo. Em I talem se Augustine em I aot long Louwe nasara mo ko stap long nasara blong olgeta long Wowo. Em i talem tu se taem Marsling em I ded em I talem long olgeta se bae oli lukaot gud long kleimen we I mekem em i laef long nasara blong em.

#### **TOKTOK BLONG FES WITNESS BLONG SAPOTEM DEFENDAN**

Witness blong em Desire Urinmal emi talem long kot blong sapotem defendan se Augustine papa blong em Marsling fes bon blong Obed. Emi talem se loren mo Augustine tufala I tekem tufala sister. Em I talem tu se Marsling gat tu sista we tufala I maretem Obed mo Loren tufala brata. I talem tu se Augustine I bon mo Marsling harem se gat raorao mekem I ko from Augsutine blong lukaotem em. I talem tu se papa blong Augustine Pierremaries I talem long Marsling blong kam tekem Augustine ko lukaotem em, we oli lukaot long Ameltra nasara.

#### **RESPONSE BLONG WITNESS LONG TAEM BLONG CROSS EXAMINATION**

**Taem we defendan i questionem em em I talem se taem tufala sista blong Marsling kam from Augustine I no gat wan man I faet from blong em I mas stap**

**Taem we kleimen i questionem em em i ansa mo talem se em I no save se wanem graon nao Marsling I gem long Augustine blong wok long em. Em I talem tu se Marsling I mekem circumcise blong Augustine long Wotwota nasara. Circumcise ia oli mekem ko bak long olgeta long Ameltra. Em I no save confemem from wanem marsling no usem nem blong Lapenmal.**

**Taem we kot i questionem em em i ansa mo talem se em I no save long any Kastom ceremony we blong talem tankio ko long olgeta we oli lukaot long Augustine Misseve. Em I no save tu from wanem Augustine I no stap wetem Marsling taem we emi kam gro ap I kam bigwan.**

#### **TOKTOK BLONG SECON WITNESS BLONG SAPOTEM DEFENDAN**

Secon witness blong defendan Mr Jean Pierre Lesines em I talem long kot se Augustine uncle blong em Urinmal we em I talem se pikinnini blong Marsling.

#### **RESPONSE BLONG WITNESS LONG TAEM BLONG CROSS EXAMINATION**

**Taem we defendan i questionem em em I talem se em I harem nomo oli stap talem se Augustine bin stap long Ameltra nasara, mo emi harem tu oli talem se em I titi long tufala olfala woman ia.**

**Taem we kleimen i questionem em em i ansa mo talem se em I harem nomo oli stap talem se Augustine em I pikinnini blong Marsling.**

**Taem we kot i questionem em em i ansa mo talem se em I no save long ol muvmen blong Marsling taem em I bebe.**



Defendan emi kanselem las witness blong em from we bae em I kam talem semak toktok olsem tufala nara witness.

**Afta we kot I harem toktok blong ol parties kot I mekem ol findings olsem:**

**4. KOT FINDINGS**

- Fes witness blong kleima Jeannot Lapenmal we emi stret brata blong defendan emi talem long kot se emi neva harem long papa blong em wetem defendan se Augustine emi pikinnini blong Marsling
- Jeannot Lapenmal emi talem tu se tufala sista blong Marsling kam tekem Augustine blong ko lukaotem em long Ameltra nasara from we mama blong em I ded kasem we emi bigwan mo kam bak long Ouve we I stap kasem tedei
- Secon witness we emi Eric Lapenmal emi confemem tu long kot se Augustine emi kam long Ameltra nasara blong emi safe nomo from we mama blong em I ded
- Eric Lapenmal emi confemem tu se pupu blong em Marsling emi no gem wan graon long Augustine blong liv long em mo blong showem se emi pikinnini blong Marsling
- Eric emi talem tu se emi papa blong em I neva talem long em se Augustine emi pikinnini blong Marsling
- Eric emi talem tu se Augustine mama blong em I ded mekem emi ko sherem titi long woman blong Marsling we emi Marijeanne
- Namba tri witness Loren Urinmal emi confemem long kot se Augustine emi laef long Ouve nasara kasem tedei
- Defendan emi bin agri mo talem long kot se emi talem toktok ia se Augustine Misseve emi pikinnini blong pupu blong em Marsling
- Defendan emi talem tu se emi talem toktok ia long taem blong wan vilij kot mo long taem ia emi bin wan witness long kes blong Jean Pierre Lesines
- Emi talem tu se risen why emi no bin mekem faen long vilij kot decision from we emi no bin luk wan kot decision
- Defendan emi talem tu long kot se Augustine emi sherem titi wetem Mornet long woman blong Marsling we emi Mariejeanne long Wopo
- Desire Urinmal fes witness blong defendan emi talem long kot se Augustine I bon mo from we papa mo mama blong em I ded mekem Marsling sendem tufala sista blong em blong ko tekem em kam lukaotem em long Ameltra Nasara we I no semak olsem we defendan I talem. Be taem emi bigwan emi ko bak long Wopo nasara
- Desire Urinmal emi no save confemem se from wanem Augustine emi gro ap I kam bigwan mo no stap long Wopo nasara be emi ko bak long ouve we I no nasara blong Marsling
- Desire Urinmal emi no save confemem tu long kot se Marsling I gem wan graon long Augustine Misseve
- Jean Pierre Lesines we emi namba tu witness blong defendan emi talem long kot se emi bin harem nomo we uncle blong Urinmal emi talem long wan vilij kot se Augustine emi pikinnini blong Marsling



- Jean Pierre emi talem tu se emi harem nomo we ol man stap tokbaot se em mo Mohornet sherem wan titi
- Jean Pierre emi no save se Marsling I gem wan graon long Augustine or no
- Jean Pierre emi no save confemem tu se from wanem Marsling no putum Lapenmal long Augustine blong usem blong showem se emi pikinnini blong em
- Defendan mo ol witness blong em oli tokbaot ol muvmen blong Augustine nomo taem we emi bebe mo mama blong em I ded mekem emi mas ko laef long nasara blong Ameltra blong titi be oli no save confemem se from wanem emi no stap long nasara blong Marsling kasem tedei
- I no gat any kastom ceremony blong talem tankio long had wok blong tufala mama mo blong showem se Augustine emi pikinnini blong Marsling
- Defendan mo ol witness blong em oli no gat evidence blong pruvum long kot se Augustine Misseve emi pikinnini blong Marsling
- Defendan mo ol witness blong em oli no save confemem tu se Marsling emi gem wan graon long Augustine blong laef long em kasem tedei
- Ol witness blong Kleiman oli confemem tu se oli neva harem se Augustine emi pikinnini blong Marsling
- Witness blong Kleiman oli confemem tu se Defendan oli kam ko owenem wan graon long Ouve nasara long risen se oli lukaot Augustine taem emi bebe kasem taem we olgeta long Ouve nasara oli ko mekem wan kastom ceremony long Wopo nasara blong tekem bak graon ia long em.

**Afta we kot I mekem ol findings ia kot I mekem oda se:**

#### **5. COURT ODA**


1. Augustine Misseve emi no pikinnini blong Marsling
2. Stat tedei I ko defendan emi mas stop blong talem or tokbaot olbaot long komuniti se Augustine emi pikinnini blong Marsling
3. Stat long tedei kasem namba 30 Aprel 2021 defendan emi mas luk wan jif blong emi ko pefomem wan kastom reconciliation long Augustine Misseve
4. Sapos wan long tufala parties I no glad long decision ia emi gat 30 dei blong emi apil I ko long Magistrate kot




ODA IA KOT I MEKEM LONG 26 BLONG MANIS MARCH 2021

BY THE COURT

  
Justice Alina MALAPA

  
Justice Edwin EDWIN

  
Justice Kalangis MELE  
Chairperson

